

84(2Рос=Комп)-5
Ш 78

Алёна Шомысова

Дзар



Библиотека молодых

84(2Рос=Коми)-5

Ш 78

Алёна Шомысова

Дзар

407590

НАЦИОНАЛЬНАЯ ДЕТСКАЯ
БИБЛИОТЕКА РЕСПУБЛИКИ КОМИ
им. С.Я.МАРШАКА

167981, г. Сыктывкар, Советская, 20

Издательство
Союза писателей Республики Коми

Сыктывкар
2011

Редакционная коллегия
«Библиотеки молодых»:

*Елена Козлова (председатель),
Галина Бутырева,
Валерий Вьюхин,
Михаил Елькин,
Нина Куратова,
Надежда Мирошниченко,
Алексей Попов,
Андрей Попов,
Александр Суворов,
Александр Ульянов.*

* * *

Ме, кӧнкӧ, воддза олӧмас
вӧлі лӧбачӧн.

Сэтшӧм окота мукӧддырйи
кайлыны енӧжас,
лӧблыны мӧд муӧ.

Но бордъяс
ӧз на чужны.

И кадыс
ӧз на во.

Вой кыа

Лөнь. Төвся рыт. Сэзь енэж восьтіс сыв
И кодзув кельöб койыштіс са съодас.
Ас гөгöрысь ме некодös ог кыв.
Ме тайö гусяторсö öтнам төда:
Со ловзьö-гызьö енэж, быттьö ю,
И уна рёмön пöртмасьöны гыяс...
О, кутшöм мича рытья эзысь му,
И кыдзи съölöм вöрзьödö вой кыа!

Арся кар

Гудыр енэж, помасьлытөм зэр,
Өшинь сайын ыджыдалө арыс.
Вөр-пуыслөн кельдөдөма сер,
Жугыльмөдө менө арся карыс.

Пельөдз воо лөнъ гитара шы,
Нориника ворсө кодкө, кылө.
Сьөлөмөй тшук татчө оз и сыв:
Шыыс колип сьылөм кодъ жө мыла.

Синъяс водзө сувтө сиктса ар:
Керка весьтын кисьмөм пелысь розъяс,
Зарни коръя вөрыс – югыд дзар...
Лышкыд вөрысь ваям тыра дозъяс...

Гудыр енэж, помасьлытөм зэр,
Өшинь сайын ыджыдалө арыс.
Вөр-пуыслөн кельдөдөма сер,
Жугыльмөдіс менө арся карыс.

Медводдза лым

Усьё медводдза лым —
небыдик, кокныдик.
Кёсий сайёдны
еджыд эшкыннас
арся нййтсё.
Но оз дыр кезлө:
бара зэрё,
бара дөзмөдчө нййт.
Сідз жё олөмас
венласьё
еджыда-сьёдаыс,
бурыс и лёкыс.
Сөмын коді на пиысь
коднысё
венас?

* * *

Туплялін сьӧлӧмӧс
кӧдзыд веськодьлунад
да шыбитін эндыны
няйт гудыр гӧптӧ.
А сьӧлӧмӧй выныштчис,
чеччис, пыркнитчис.
Да муніс мӧд туйӧд
корсьны шудсӧ.

* * *

Рөмьд.
Сөмын өтка пулөн
мыгөрыс
төдчыштө.
Көдзыд төвся рытө.
Гажтөм.
Сьөкыд мөвпъяс
менө
личкөны.
Ме өтнам.

* * *

Тöрытъя шондіыс
кывбурөн
чужис выльысь.

Мамлы

Менам абу велалёма
лоны меліён,

лоны восьсаён.

И öні сöмын верма гижны кывбурын:

«Мамук, мусаёй,
ме тэнö радейта!

Помнитан,

тэ веськавлін больничаё?

Сэки ме, ичөтик нывка,
бөрдлі,

окавлі тэнсьыд платтьötö

и кевми Енмыслысь,

мед öдйөджык локтан...

Гортö волігөн кор

петан меным воча

да небыда нюммунан,

сьөлөмöй топавлö мелілунысла».

Но синмад веськыда бара на ог шу:

«Ме тэнö радейта».

Чоййыв

Чоййылöй,
муса гажа пельöсöй,
вылын юра зымвидзан
чужан грездным помын.
Джуджыд морöс вылад сулалысь
бать-мам керкаöй
дась ыткöбтыны енэжас,
а тöвся сэзь войясö
еневтö видзöдигөн
енкöлаыс суныштлö лолам,
и сöмын сэки
сьөлöмöй дзирдовтлö
Асья кодзулөн*.

* *Асья кодзув* – Венера.

Часі

Пөчөлөн важся часіыс
пыр кольччис,
быттьö кösйис
надзмöдны лун-войсö.

Но пöчöйй
быд асыв
зэлöдліс сійöс,
кöть эськö
часітöгыс тöдіс
ассьыс кадсö,
коді пöртмасис
сылөн лолын
рытъя кыа рöмъясөн.

Öні сійö часіыс
век на сулалö
пöчөлөн жырйын,
ланьтöма.
Пыр петкöдлö асья кад.
Но öшинь сайын
ломалö рытъя кыа.
И сылы воча ыпъялö
пöчöөн быдтöм сад.

Арся вой

Шаракылö-мунö арся войыс
Вижов корйөн эшкыналөм муöd,
Сійöс пикö воштiс сьölөм дойыс,
Дзуглясьöмөн пытшкөсас пыр туö.

Войыс важөн петавліс нин туйö,
Öти кадö гажтöмыс кор босьтiс.
Сэкисянныс воліс уна муö,
Сöмын эз на пандав матыс ёртöс...

Гашкö, тайö ёртыс ме и эм да?
Гашкö, арся войыс тайöс тöдö.
Ывлаö ме пета, сöмын пемдас,
Жуглясьöмсö юкны ськөд мöда.

Пас

Биа пось кинь
лэбыштіс
кык сьолём костёд.
Сотыштіс менсьым сьолёмөс.
Колис пас.
Талун ме локті сэтчө,
көні чайті
аддзөдлыны тэнө.
Уна йөз пиысь синнам корси.
И тэ бара дыр кезлө
олёмсьым вошин
менө казаявтөг,
муслун йывсьым төдмавтөг.
Кор нин биа киньыс
сотыштас
тэнсьыд сьолөмтө?
Гашкө, некор оз.
Но а сотыштіс кө нин?..
Да эз тэнсьыд?..

Тайö ме...

Асывнас кор садьман
да шонді югöрыс
ёся инмас
тэнад синмö,
тайö ме мöвпала
тэ йылысь
выль лун пансигöн.
Луннас кор небыд төвруыс
дзугыштас рудов юрситö,
тайö ме көсья тэкöд
аддзысьлыны.
Рытнас кор öшинь кузяыд
мöдасны исковтны
гырысь зэр войтьяс,
тайö ме гажтöмтча тэысь.
Войнас кор унмовсян,
вöтад петкöдча
дзоридзöн.
Эн чег менö.

Увланьюрасьом мөвпъяс

Увланьюрасисны
мөвпъясой
ва гөптын,
Көсйисны
гөгөрвоны
олөмсө.
Пашкыр кымөръясөс
ас пырыс
лэдзлісны,
Төпкысь зэр тусьяслысь
кывзісны
сьылөмсө...
Сөмын олөмыс
мөвпъясөс
тэрмөдлө,
Да и ва гөптыс
дзескөдө
найөс.
Мөвпъяс, мыйла нө
сэтчө ті
сунінныд?
Бурджык
енэжас
кыпөдчөй-кайөй.

* * *

Ме сьӧлӧмкӧд
важӧн нин
ӧти кывйӧ ог во.
И важӧн нин
сылысь быд кылӧм
вужвыйӧн вунда.
А талун друг
сьӧлӧмӧй пышйис,
и тыртӧммис лов,
И шондіыс
бергӧдчис меысь
да сьӧлӧмкӧд муніс.

407590

НАЦИОНАЛЬНАЯ ДЕТСКАЯ
БИБЛИОТЕКА РЕСПУБЛИКИ КОМИ
им. С.Я.МАРШАКА
167981, г. Сыктывкар, Советская, 20

Пöльö-бобö*

Ывлаас пöльö-бобöыс сы мында!
Сэтөн и татөн йөктігмоз лэбöны,
Быттьökö шондi дзарйыскöд дурöны.

Кикарöс пукта öтилы туй вылас –
Содйöд моз каяс киöд и сувтыштлас,
Сизим сьöд чута мышкунас дзирдыштас.

– Кодi нö гөрдов мышкутö чутöсьтiс?
Збыль öмöй Шондi Енмыс тадз пасйыштiс,
Мед сэсся мукöд гагсьыс век торъялiн?

Гашкö, тэ бордъяд шоньдсö новлöдлан?
Гашкö, тэ шудсö йöзыслы разöдан
Киясö зарни кок туйтö колигөн?

Бобукöй, бордтö шевгöд и петкöдлы,
Кытчö мен мунны шуда пай корсигмоз.
Гашкö и, тэ менö видзысь анделöй?

* Пöльö-бобö – енгаг.

* * *

Шондiыс талун оз ымрав
ни синтö оз ёр,
но век жö куньтырасян
и вир-яйнад шоналан
зарниён тупыльтчöм
купальнича пöвстын.

* * *

Öшкамöшкаөн
 ме юа
 тэнсьыд муслунтö
и тэ вылö
 койышта
 югыдик войтъяса зэр.
А сэсся ми вежсям:
 тэ лоан öшкамöшкаөн,
 а ме тэнад юөн.
Ю менö, ю,
 сöмын эн ставнас,
 кольышт аски кежлö.
Муслуныд öд абу помтöм ю...

Төвся паркын

Чола сулалісны пуяс рытъя паркын,
Быттьö олөм помлань воөм пöрысь йöз.
Найöс надзöникөн лымйыс тöбис-гартіс –
Дзорлун рöма, абу еджыд, абу лöз.

Найö водзвыв быттьö лöсьöдчисны туйö:
Сöstөм паськөм, лөньюм мыгөръяс – и төв.
Эз и тöдлыны, кыз пöрысьлуныс суис,
Зыка-шума олөм бöрын пуксис чöv.

И ме кöсйи налы пöся мыйкö шуны,
Но эз лэпты тайöс вöчны падмөм лов.
Здук-мөд кeжлö төвся паркын менам вунлі:
Тайö – пуяс, абу йöз, и кыв оз ков.

Кывъяс важөн нин оз ковны – кадыс лэбис,
Важөн «муналісны» бабъяс – корис Ен.
А ме, гашкö, коркö öти югыд лунö
Став бур кывсö налы шуа. Сöмын сэн.

* * *

Олөмас өд йөзыс,
 быттьö öти ыджыд пулөн
 ичöt коръяс,
Кышöдчöны-вөрöны
 ён төвъясыскöд öттшötш
 быдса нэм.
Олөм помас ставыс,—
 кадыс водзын некод
 ёнасö оз торъяв,—
Джуджыд пуысь орö да и вошö,
 быттьö эз и вöвлы нем.

Войся бабича*

Биа өшиньö рытнас таркөдчис
Эзысь бордъяса войся бабича.
Ывла пемыдас помтөг шпорөдчис,
Бытьö восьтыны корис каличсö.

Өшинь костөді – гортö жбыркнитіс
Сёрмөм гөстя моз тэрыб вöрасөн.
Кокни борд шыыс меö ыркнитіс,
Бытьö төврулөн небыд пöлыштөм.

Войся бабича йөктіс-гөграліс
Лампа би дорті, гашкө, шонтысис,
Сэсся ме гөгөр дыркодь бергаліс,
Бытьö висьтавны мыйкө дасьтысис.

Коркө-й шпоркнитіс ен ув пельөсö,
Бордсö сиптөмөн лөня пукыштіс,
Сэсся образъяс увсьыс пернасö,
Баблысь пернасö рама окыштіс...

И ме велалі: тайö бабушöй
Асьсö казытыштны сійөс ыстывліс,
Войся бабича баблысь лов шысö
Жырийөд лэбаліг мелань өвтыштіс...

* Бабича — бобув.

Арлөн гижөд

Арыс серөдіс
 гылалөм коръяснас
 муывса эжсө,
Быттьö мичаа гижалис
 вөр-валысь быдсяма дум.
Сылөн гижöдыс
 вочасөн сьöктаммис,
 содіс да вежсис,
Быттьö арыслы отсасис
 вөр-васа кутшöмкö тун.

Арыс ворсöдчис коръяснас,
 быттьöкö мөвпъясөн гижысь,
Сöмын коръяссö тэчигас
 нимъяссö налы эз сет.
Сійö сёрнитіс рөмъясөн:
 гөрдөн и рудөн и вижөн,
И быд кор вылö визьйöдліс
 стихъяссö, быттьö поэт.

И ме босьтчывлі
 вежöртны арыслысь
 гижöдсö тайöс,
Сöмын мыйлакö сідз эг и гөгөрво
 ни öти кор...
Арыс такöдіс менö,
 эн шогсы пö,
 кадыс кор воас,
Тэныд вөр-ваыс ёртлы моз вашкöдас
 быд гусятор.

* * *

Тэ роч.

А ме коми.

И тэ он гөгөрво,

мый йылысь ме гижа,

мый йылысь мөвпала.

И тэ он төд,

кутшөм кывбуръяс

ме сия тэныд,

а кутшөмъясös — ог.

И бур, мый он төд.

* * *

Ола тэкөд — мөд йылысь мөвпала,
тэкөд сёрнита — кывза мөдөс.
Сөмын вежны кө тiянөс местананыд,
нинөмыс оз вежсьы:
мөдкөд кута овны,
а тэ кутан дум вылө воны.
Кодныдтө нө ме эськө радейта?

Кывъяс-коръяс

Кылалісны кывъяссöй виж коръясöн,
Кылалісны арся юлön визулöd.
Дзебсясисны, вöйласисны, вошисны.

Öткымыныс сюрласисны, кыялі,
Кыялі да кывбуръяссöс лöсьöдлі,
Лöсьöдлі да мича рöмön серлödлі,
Бордйöді да сывны найöс ысталі.

Öткымыныс ю пыдöсö вöйтчисны,
Вöйтчисны да оз нин бöрсö кыпавны,
Оз нин бöрсö кыпавны, оз воссьыны,
Ловтöм сьökыд изйön сэтчö сибдісны.

Кылалісны кывъяссöй виж коръясöн,
Кылалісны арся юлön визулöd...

* * *

Быд кывйö кө
дзумгысян –
дзоридзö мазі моз,
Быд кывйысь кө
тыдöдан
саймовтчöм мичлунсö,
Сэк кывбурыд
оз öмöй
сыв вомад
ма чир моз?..

* * *

Сöмын челядь киын
изйыс ловзылö
да лоö донаөн,
и чайтсьö,
сылөн быд чутын,
мылькторйын,
визьын
дзебсьö
синлы тыдавтöм олöм.
Но сöмын сэк, кор изйыс челядь киын.

Геннадий Райшевлөн*

серпасъяслы йӧлӧга

1. Ичӧт Му шар

Ичӧтдырйиыд
 челядь мывкыднад
 пыр чайтсис,
мый чужан сиктыд
 да сійӧс асыкалысь вӧрыс –
 тайӧ Му шар джынйыс,
а мӧдар джынъяс –
 ставыс увлань юрӧн:
 и керкаясыс, и пуясыс,
 и йӧзыс...
Уна во мысти гӧгӧрвоан:
 сиктыд Му вылас –
 сӧмын муртса тыдалана чут.
Но сійӧ пыр кежлӧ
 кольӧ сьӧлӧмад
 ичӧт Му шарӧн.

* *Геннадий Райшев* — ханты художник, Россияса художник котырӧ пырысь.

2. Пу

Енкöла шöрас,
вужъяснас вывлань,
туганнас увлань
грымвидзö Олöм Пу.

Вожъясыс вылас
сярвидзö öшйöм
унакодъ кодзув,
быттьöкö розъя пув.

Орччöнмоз кывтлысь
шондiсö дзоньнас
нылыштлö Пуыс,
ыштöкö джуджыд ры.

Шондiыс сэки
виччысьтöг бердлö —
асыкыс вижөн
тöдчöдö Пулысь мыг.

Юриндалысь

«Ме, кӧнкӧ, воддза олӧмас...»	3
Вой кыа	4
Арся кар	5
Медводдза лым	6
«Туплялӧн сьӧлӧмӧс...»	7
«Рӧмыд. Сӧмын ӧтка пулӧн...»	8
«Тӧрытъя шондӧс...»	9
Мамлы	10
Чоййыв	11
Часі	12
Арся вой	13
Пас	14
Тайӧ ме... ..	15
Увланьюрасьӧм мӧвпъяс	16
«Ме сьӧлӧмкӧд важӧн нин...»	17
Пӧльӧ-бобӧ	18
«Шондӧс талун оз ымрав...»	19
«Ӧшкамӧшкаӧн ме юа...»	20
Тӧвся паркын	21
«Олӧмас ӧд йӧзыс, быттӧ...»	22
Войся бабича	23
Арлӧн гижӧд	24
«Тэ роч. А ме коми...»	25
«Ола тӕкӧд – мӧд йылысь мӧвпала...»	26
Кывъяс-коръяс	27
«Быд кывйӧ кӧ дзумгысян...»	28
«Сӧмын челядь кийн изйӧс ловзбылӧ...»	29
Геннадий Райшевлӧн серпасъяслы йӧлӧга	30

Алёна Шомысова. Свет.

Редактор Елена Афанасьева.

Технический редактор Николай Вахнин.

Заказ 407/2011. Тираж 200 экз.

Отпечатано с готовых оригинал-макетов в

ООО «Типография «Полиграф-Сервис»

г.Сыктывкар, ул. Ленина, 4, тел. 8(8212) 21-48-36

50.



Алёна Александровна Шомысова чужис 1986 вося декабр 8 лунö Скөрöдум грездын. Помаліс СГУ-са филология факультет. Уджалö «Войвыв кодзув» журнал редакцияын. Гижöдъясыс петавлісны «Парма гор», «Йöлö-га», «Коми му» газетъясын, «Войвыв кодзув», «Арт», «Чушканзі», «Знай наших» журналъясын, «Ме тэнö радейта», «Мне рассказали одуванчики», «Няньöи-солөн», «Медводдза муслун» альманахъясын.

Алёна Шомысова нöшта комиöдö роч да финн-угор авторъяслысь гижöдъяссö, вуджö-дöмъясыс петавлісны «Льöм ю» да «Еджыд войяс» альманахъясын. Сылысь öткымын гижöд вуджöдöма роч, венгр, мокша, эрзя, удмурт да яран кыв вылö.